



**R**ubertus natione Germanus pietatis studio apud Traiectenses S. Laurentij monachus factus est. Ibi ex eo tempore quo coenobium in sua iuuetute ingressus fuit, adeo sese in S. scripturis exercuit, ut nec dormiens quidem a meditatione illa uideretur posse quiescere. nam lingua et labia eius quasi legendo semper mouebantur. Vnde factum ut in sacris literis mirabilem cognitionem adeptus, ab omnibus eruditissimus eius regionis homo aestimaretur. Hac fama permotus Fridericus Coloniensis Archiepiscopus, eum ex illo coenobio sumptum, monasterij Tuiciensis iuxta Coloniā Agrippinā Abbatem constituit. Ibi uerbo

& exemplo suos subditos ad studia sacrarum literarum & pia opera adhortatus est. Scripsit is in omnes ferè libros ueteris & noui testamenti commentarios. præterea ad Canonem Episcopum Ratisbonensem insigne opus, de uictoria uerbi Dei, quod in tredecim libros digessit. Floruit sub Heinrico quinto Imperatore, anno millesimo centesimo uicesimo, Trit,